

泉州府志卷之六十二

隱逸

無所長而遜跡是以隱自文也有所覲而潛踪是以
隱爲市也非隱卽非逸也處士虛聲終南捷徑識者
羞之泉山水清奇洞壑之間類多隱君子焉泉石膏
肓烟霞痼疾以安身爲樂以無憂爲福非不遭逢聖
世而獨寐寤言有甘守藹軸以終者卽或結廬人境
不盡托跡深山然門無車馬之喧室有圖書之趣杜
門却埽名可得聞身不可得見也

泉州府志

卷之六十二

宋隱逸

一

國家旁求俊乂野無遺賢凡巖棲谷處之士靡不慶連
茹之彙征閒有斂采韜光久晦於山巔水涯者固亦
聽其優遊自適而不之強也志隱逸

五代隱逸

詹琲安溪人敦仁子隱鳳山下號鳳山山人奇才曠達議
論慷慨勸陳洪進納士於宋從之今宋史所載陳洪進
納士表琲所撰也洪進旣歸宋欲薦琲於太祖琲追和
秦系辭張建封詩以獻洪進亦不之強旣老人稱爲年

德居士

安溪志

宋隱逸

南安翁

崔唐臣

黃登

蘇隨

林知

韓雲瑞

翁定

趙庚

石贊

趙彥慧

陳好

劉志學

趙文孫

伯暉

鄭曾子

陳與桂

梁護

泉州府志

卷之六十二

宋隱逸

二

魏秀才

陳必敬

南安翁不知其姓名偕二子種園為生麻衣草履舉止迥

別十餘年不入城市漳州陳元忠嘗赴省試日暮投宿

其家麻衣草履舉止談笑類上人入門茅茨數椽竹樹

茂密案披六經陳叩之曰翁訓子讀書乎曰種園為生

耳亦入城市乎曰十五年不出矣少馬二子歸捨鈕與

揖進荳羹享客不復共談遲明別去以事留郡城越日

見翁倉皇入府追訊之乃長男鬻果失稅為關吏捕送

翁與次男偕詣庭下郡守將杖長男翁拜懇曰某老鈍

無能藉此子贍給若渠不勝杖則翼日乏食願以身代
次男曰大人豈可受杖某願代兄三人爭不決次男忽
附耳語翁怒叱之守疑扣所以對曰吾父宣和閒累典
州郡翁曰兒妄語耳守復詢誥勅在否其次男曰向作
一束置甕中埋於山下守遣吏偕男發取視之果然卽
延翁上座禮謝釋其子次日往訪之室已空矣

宋史

書南
安縣志

崔唐臣晉江人與蘇頌呂濬同學交好蘇呂登第崔憮然
罷舉其後蘇呂入三館乘馬偕出循汴岸見一士艤舟

泉州府志

卷之六十二

宋隱逸

三

坐蓬窓下蓋崔也亟就謁之間其別後况味曰初倒篋
中有錢百千以其半買此舟來往江湖閒其半市雜貨
貿易時取贏自給雖云汎梗飄蓬差逾應舉時也蘇呂
邀與歸不可但叩官居坊曲所在明日自局中還各覩
崔留刺亟訪舟次則莫可踪跡矣歸視其刺之末有細
字小詩一絕云集仙仙客問生涯買得漁舟度歲華案
有黃庭曾有酒少風波處便爲家

閩書遊暑錄話
合集

黃登字君陟由南安居晉江少遊上庠與陳覺民有研席
之好且三十年及陳守泉涉兩歲登未嘗干以私旣卒

陳以文誅之謂其窮經恥受一命學道深造大方蔬茹如享太宰燕處若奉五戒張讀不苟許可亦以隱君子

目之

舊志系
闕書

蘇隨晉江人嘉祐二年進士任博羅令棄官歸鄉里號紫雲先生隱洋巖棲霞洞葆神鍊氣不與俗接一夕夢遊異境覺而賦詩曰夢乘鸞鳳到仙家侍女風流魏月華琥珀盞斟千歲酒琉璃瓶種四時花金函藏錄文刊玉石壁題名篆點砂一枕北窓初睡覺日移門外柳陰斜後數年端坐而逝

舊志

泉州府志

卷之六十一

宋隱逸

四

林知字子默晉江人閩將仁翰裔孫隱居篤學有志尙築室靈源山之巔人鮮見之熙寧閒嘗詣闕上書論時政久不報在京時惠安簿林迥訪其書室題壁閒曰先生平昔命何非萬卷詩書一布衣回首長安成底事吳山蒼翠幾時歸知遂歸隱不出縣南有烟浦埭衝決久廢知脩以利民里人德之爲立祠劉濤經其塚吊以詩孫外紹興三十年進士

舊志

韓雲瑞字文叔南安人以父蔭得官不調取印歷大書歸

去來詞號宜休有耕烟小集

闕書

翁定字應叟南安人年四十不應進士舉日與名公為詩
文交著有瓜圃詩五卷閩書

趙庚字叔初晉江人淳熙八年進士歷廣西常平幹官久
不調嘉泰初相臣有研席之舊移書諸司敦遣入都將
以學官處之時韓侂胄用事庚引疾力辭親舊交勸不
答帥蔡戡除次對庚以詩賀之曰腰金不足為公重懷
寶無瑕乃席珍戡感其言乞祠歸後客五羊廖槎溪為
帥尤加敬焉及卒貧甚門人黃以寧哀金葬之舊志叅閩書

石菁字蕃甫同安人以世胄薄遊鯁論忤世浩然而歸崇
泉州府志 卷之六十二 宋隱逸 五

寧中隱於文圃山詞藻清節推重一時嘉定閒邑人楊
志為作三賢堂與謝脩洪文用合祀雍正稿

趙彥慧字凝遠南安人馳恩合得官不取真西山欲以逸
士薦辭焉有靖節年譜二卷古錦囊集春臺詩話行世

閩書

陳好本名豪晉江人曾受學於楊時後在太學與陳東上
書留李綱及東被誅遂變名遊瓊州因家於蒼原子孫

繁衍採廣東通志

劉志學字師孔晉江人與兄璧由上舍釋褐登咸淳七年

進士志學教授台州以親老歸省元兵滅宋杜門不仕
蒲壽庚欲羅致門下固避之下帷講誦從學如雲時或
縱飲劇談以泄幽憤種菊數十本號秋圃以陶潛韓偓
自方

舊志參
閩書

趙文孫字道鳴初名必諱宗室商王九世孫自紹興移蹕
屬籍南外宗正寺遂爲晉江人咸淳丁卯以登極恩賜
出身除福州長樂縣主簿宋亡遂不仕易今名遊居郡
庠不接流俗專以訓誨講解爲事同縣有趙伯暉亦宗
室與傳定係爲友其文章議論淵懿浩博爲閩南碩儒

泉州府志

卷之六十二

宋隱逸

六

八閩
通志

鄭曾子字子可晉江人咸淳十年遊太學景炎丙子隨蹕
三山以廸功郎爲潮州司法未行泉州降元蒲壽庚薦
授武畧將軍梅州路治中不受閑居終身自號唯齋平
生倜儻急義樂道人之善是非曲直正言無諱郡縣大
夫事有疑難必造廬咨焉

舊志

陳與桂字彌芳晉江人年少博學咸淳中領鄉薦第一入
元不仕隱于安溪水竹村足跡不復及城府文行高古
後學矜式號水竹先生

舊志

梁護字陽夫南安人東平丞相適孫李文肅公邠壻也晦
跡不仕隱於靈秀山風節高峻詩翰清美

南安志

魏秀才同安人逸其名居浯江上有太上隱者之風邱葵

贈詩二章其一屋茅蕭索泣寒虫獨自吟詩學已工敗

葉能令溝水黑亂雲不放夕陽紅半生辛苦空儒服一

歲蹉跎又朔風不意躬鄉有奇事暮春得拜席門翁其

二月淡蓬門掩侯虫窮通底解問天工茶烹菓面紛紛

白燈吐花心灼灼紅屢改新吟添硯水密糊舊稿護窓

風相逢莫道龐公老覽鏡先慙似老翁

閩書

泉州府志

卷之六十二

宋隱逸

七

陳必敬號樂所同安人少穎悟通五經諸子百家言宋末

一舉不遇遂不復出嘗與邱葵講明濂洛遺學所著有

詩聯遺文其咏釣臺詩云公為名利隱我為名利來羞

見先生面黃昏過釣臺又云已上桐江臺又弄桐江釣

不食桐江魚不怕嚴公笑二詩人傳誦之

同安志

元隱逸

陳士麟

莊圭復

陳士麟字子信南安人性嗜學多所周通老宿弗逮每取

諸葛武侯吾心如秤不能為人輕重之言以自儆所居

在縣之烏石山種稻盈郊樹桑環宅市書課兒釀酒延
客或適意漁獵放浪藪澤閒病草囑其子同曰平生慕
古今且不起喪事依禮慎母用二氏非親知不受吊踰
月而葬題云有元貞士烏石陳公之墓閩書

莊圭復字生道號容齋晉江青陽人篤志勵行以文學名
少從遊於邱葵值宋季流亂手未嘗釋卷誠信孝友建
祠宇立祭田入元隱於青陽吟咏自如至順閒福建閩
海道知事清江范梈以圭學行聞於朝詔書屢下終不
起年九十一卒于家節張廷芳撰誌

泉州府志

卷之六十二

元隱逸

八

明隱逸

莊逢辰

趙士亨

諸葛珪

夏秦

蔡惠

郭彥貴

陳瓏

趙復

郭環進

吳權

李漢

吳煜

歐陽秋

潘清泰

黃淑清

陳洪璧

丁衍夏

王萬

鄭士鎧

張士柳

紀許國

高寧

洪天馨

蘇文昌

諸葛昂

莊逢辰字士明晉江人元季躬勤種藝養母雖在亂離中

手不釋卷母卒喪葬一據朱子家禮洪武初或勸其仕

笑不答日惟教子讀書後進多師事之號靜齋先生後

以子琛貴贈大理寺評事

舊志參
閩書

泉州府志

卷之六十二

明隱逸

九

趙士亨字應嘉晉江人元季吏于縣未幾棄去杜門讀書

以求聖賢之學後隱于九峰山父喪明母患癰奉養周

至湯藥必親累歲不少懈父母相繼歿居喪盡禮廬于

墓終喪乃歸教授于鄉時山寇呂光甫嘯聚剽掠所至

焚燬獨戒勿犯趙先生閭舍洪武初由人材薦授繁昌

縣仲窪河泊官強赴焉尋引疾告歸

舊志

諸葛珪字楚賢晉江人宋廷瑞之後晉子少好學緼藉經

籍侗儻尚氣節洪武十年憲檄辟為從事情憤然曰安能

居刀筆之下托疾不就越四年以明經徵赴將授以職

復以疾辭杜門養志娛心經史子文

閩書

夏秦字西仲晉江人少讀書經傳子史靡不該貫教授鄉里郡守胡器與部使者多造其廬咨以政治洪武十六年召至京師欲用之首陳年老乞骸歸簞瓢屢空處之晏如也或云元季進士不知何許人避亂來居青陽山

舊志

蔡惠字世安號純齋晉江人性沉靜好讀書有高行尤精地理之學自擇墳地于三十六都大桃花山其山勢大金蓋小金青龍三顧白虎四衛墳前印浮水面乃島嶼

泉州府志

卷之六十二

明隱逸

十

也水外羣山拱護天清日朗時歷數之得酉餘峯地家謂城東諸墳鮮有其匹晚歲委家於子遊神物外窮年山居絕葷腥不復問世事諸山多所遊寓惟居金粟洞最久出貲建屋若干間以與道流居沒後道人塑像於洞中祀之進士周太初挽以詩曰處士素樂善晚年長蔬食大兒能克家小兒鄉進士司訓吳靖爲銘其墓次子輝永樂甲午舉人元孫清

節蔡文莊集

郭彥貴號艾庵明初自莆田移居於泉遂爲晉江人潛心爲學手不釋卷以小學訓其子謂其著論精確最切曰

用郡守欲授以冠帶謝以詩曰縱然軒冕終身樂怎似
琴書一日閑構圃結小屋其中置琴書集徒談史題其
門曰門無車馬跡座有琴書聲生平孝親敬兄篤有至
性年六十一卒門人哭之曰不貪軒冕臥烟霞爭奈西
風促歲華半世琴書空佇恨一生孝友竟成嗟月明滿
院無過客雨暗荒庭有落花最是眷令心獨醉幾回涕
泣洒天涯

陳瓛字微仲號伯崖由福州來家晉江性孝友不求聞達
工詩詞宣德閒累召不起號爲徵君

舊志

泉州府志

卷之六十二

明隱逸

士

趙復字無疾晉江人隱于邑之孤山博通經史不求仕進
冠婚喪祭以古禮爲泉俗倡人多化之卒年九十五門
人私謚曰莊節先生

舊志

郭環進字思勤號二致晉江人彥貴次子少聰穎經書一
覽終身不忘性耽林泉不樂仕進正統閒郡守依恩例
欲授以冠帶上書辭免其畧云山野之性布衣之行守
拙自晦與物無競有時筍江之濱有時紫帽之徑我樵
我漁我觴我咏夫豈絕人我適我性隱於泉山之雲臺
室題門曰地偏人罕到源活水長流沐其教者多從之

飲酣賦詩曰隔林鳥語依人巧遶戶山光向酒浮遙竹
根深池畔石臺花香噴雨中秋又有襟懷洒落朱門客
身世逍遙閩苑仙之句年六十五卒

吳權字用中晉江人幼善屬文舉正德癸酉副榜隱居不
求仕進築室迎春門外丸石之右讀書講學以終身太
守周道光題其石曰碧玉毬爲文記之

李漢號東甲安溪人嘉靖閒仕桐鄉訓導告歸不復出王
慎中贈漢詩東甲先生愛靜便辭官正及未衰年忘機
不賭園基墅好飲多開種木田每誇妙得閑中坐更詫

泉州府志

卷之六十二

明隱逸

七

無如醉後眠子夜絃歌娛客處一春風雨養花天紅英
漸委蒼苔上白雪來侵綠鬢邊世態無端爭夢裡人生
何事勝樽前品可知矣

閩書

吳煜字時昭安溪人正德時隱鳳坂之麓賦性嚴毅微醺

輒誦古詩以自娛不求仕進

安溪志

歐陽秋晉江人詹之裔隱居南安天豐山作獨善山房讀
書以終身蔡文莊清爲訛稱其孝友善教推餘賑乏大
爲士論所歸

潘清泰安溪留出人嘉靖閒築精舍于瀨林之龍潭攻儒

業重躬行實踐之學晚迹于黃冠隱居蓮葉山麓

老子法門嘗咏詩有不厭清齋淡應知道味鮮之句惠安李愷以姻戚過訪與談道與贈之詩曰得道留山老歲寒繁華富貴等閒看隨雲採藥超塵遠敲雪烹茶坐夜闌六甲風雷藏寶籙一壺天地雜靈丹縱然復出山陰客第惜鵝經欲換難一日疾作知數將終召家人沐浴更衣畢徐言曰鼎湖雲暗處華表月明中了此平生事優游上帝宮遂坐逝

安溪志

黃淑清南安人河清弟自號曉江漁者為諸生棄去入山

泉州府志

卷之六十二

明隱逸

三

耕讀邱壑水木怡然自適偶為詩文離塵出囂竒怪萬狀邦君賢大夫禮之不應合顏容端與善以艱歸貽之書曰俗以仕宦丁艱曰放假蓋謂歷官日多不能肆縱只一居喪當為暇日利田便舍肥肉大酒言出莫違意着羣應入耳驗目大都如此昔呂東萊在艱講授陸象山已議其非何今古相遠不啻雲泥執事學有王腦定是踏定一步也淑清既歿肱其篋得詩歌雜文若干首弟深清與子樗仲梓行之名曉江集王慎中為之序

閩書

叅王遵巖文集

陳洪壁號微庵晉江人高州守洪載從弟隱居涵江之濱
刻苦學易而於大極圖參同契鑽研入奧所爲詩文多
以理勝族中遊庠序有聲者多以遠大自負談文說詩
傲睨宇宙至於繭絲牛毛未易解悟之處必進質諸洪
壁爲之條分縷析退各充然有得學者皆稱之曰微庵
先生

閩書叅紫
峯文集

丁衍夏號雲浮叟一號適適生或號瞻亭主者或又號泰
清丈人萬歷閒晉江人始居城西隅已遷于北其精廬
故在北遂以家徙山名清泰故其爲泰清丈人獨著廬

泉州府志

卷之六十二

明隱逸

古

前後不數畝中一曲渟然稍稍築室其中周樹刺桐代
垣疊石爲關門之而入扁其軒曰山岳效靈亭曰瞻亭
曰來鶴曰雲浮石底泉流曰雲英引以爲曲水可觴鑄
旁石曰泰清隱君雲廬客所命也石側爲劍潭劍在焉
長可十尺深廣三寸許相傳道流鑄劍處泉上石刻曰
飲水曲肱苑中石曰仙苑畦左右曰化鶴邱來自何方
而化何門仙仙者鶴耶吾烏知夫所以然畦右大小石
一類方壁或象桃其色頽舊有刻曰金壁堆曰蟠桃塢
最高一石曰齊雲洞天謂高與雲齊也室僅數椽材因

之山蹇因於礫進退步武閒而逶迤詰屈則不可窮卉
木草茹一任山所有四時芬斐不絕山之岡以莖親壠
稍前而左畔穿壽藏木拱矣而去之益遠室產芝一莖
二瓣黃澤色所謂山岳效靈者也丈人登亭而瞻則猶
時時有遐思焉性雅不嗜飲酒然客至無少長輒與酌
興盡而止客去則輒手一編朝父之矣家貧不能蓄書
聞人所有不遠致之上自結繩鳥篆以至近事無不博
綜下迨陰陽占卜肘後青鳥及西竺南華參同黃白之
屬亦悉究其大指每有所領則付秃管盡心焉至忘食

泉州府志

卷之六十二

明隱逸

十五

寢也意到成聲韻諧爲句簡易不程右法要以求自愉
快而已日久盈囊錄置四壁皆滿倚而哦之年幾耄而
體加強上下山澗短筇自將時擎小梯蓋日可再往返
不勸山故有三十六洞洞多榛莽考圖經遍索其處哀
爲志加梓焉有梅巖者址沒舊矣索而得之巖石載歐
陽太守木龍贊數百十年前物也每值風日清美輒出
出則從樵人衲子爲汗漫之談歸誦偈數通牀頭懸一
磬叩之三兩聲鼻息鼯鼯然矣積雨扃戶蹉跡罕及竟
月餘不聞人聲自紀所謂會有齊雲老雲英叟與木天

生合之而四齊雲老者安也雲英叟灑也而木天生號
該洽時左右不厭皆寓言也晚益落莫縱心皓然預爲
誅若銘時歌以自適誄曰先生喜談天下事經紀數千
萬言先生喜讀古今書評騭數十百篇或如燭照或如
著占乃先生藉之以娛不欲有傳知先生者於風塵之
表省其遺編不知者於泰清之巔嘆其飛鳶銘曰山之
北兮白雲深海之東兮蒼樹臨風飄飄兮攀松柏日出
皎兮掃親坐結廬其下流水環局春風兮與澹秋月兮
與明梅之白兮蓮之馨偃仰兮嘯傲烟霞兮訂盟探木

泉州府志

卷之六十二

明隱逸

夫

天兮訪姚姒遊元圃兮招大庭人不得而名丈人兮泰
清其言橫放超軼達人之觀方外士也或曰丈人非痴
隱也少好倣儻之畫策志在當世既不偶而逃俗大鈞
播物蜃鳩輒化豈非時耶隱君能翁能張合道家之用

雲臺
藏藁

王萬號龍磐晉江人爲學先志行而後科舉萬歷癸酉舉
人居龍塘之岸有石如鏡天然釣磯時遊適其間遂取
以自號終身不仕

鄭士鏗字淑玉安溪人少穎敏能文兄弟勸之進取曰富

貴非吾願無相強也夙暮林逋高風未肆拾居別墅多
植古梅朗誦唐詩書於堂壁云流水直通柴竈下梅花
開向臥床前舉鄉賓年八十卒

安溪志

張士柳惠安人崇禎癸酉副榜遯跡臺灣隱居東安坊杜

門不出日以書史自娛辟穀二年惟食茶菓壽九十九
而終

通志

紀許國字石青同安人與父文疇金受業於黃道周弟子
數百許國最少掉臂獨行崇禎壬午鄉薦時年方二十
二退隱不仕著有广史焦書名山集拂塵集與莆中林

泉州府志

卷之六十二

明隱逸

七

說傅公尊賢燕公稱壬午三異人近紀曾實合刻其遺
稿行焉

同安志

高寧字用靜晉江安平人博稽典籍潛心精研足跡不下
樓者三年俯誦仰思有所得卽誌之於壁所著有止定
錄若干卷多發前人所未發其體段類呂氏春秋而理
勝之嘗詣闕陳時事若干條時璫炎方熾朝中泉紳見
其疏多觸忌諱懼其以言賈禍乃羣懇奪而焚之俾其
歸自是杜門不出老於牖下

節安平志

洪天馨本名喬稜後以稜稜同音改今名字子馥號薇峯

又自署稜陵洞通衢道人晉江人生而多病三歲不能
言暑月痘瘡潰發遂羸瘦稍長受易攻舉業旁及羣書
於外家傳語說林尤酷嗜醫藥卜筮靡不究心中慕葛
稚川許旌陽費長房上真元脩之道於叅同契悟真坎
離之旨叅悟洞徹詩出以夷易塵視緣垢每春旭秋月
行阡陌自吟自和靈源草庵金粟清源天心梅山諸景
踏咏殆遍道三山沂峽船幾沒不爲動入錢塘登吳山
訪紫陽洞上下天竺六橋闌入僧寺飯齋晤語而去至
金陵遊報恩寺樂之遇僧輒棲止延問灰心世路游情

泉州府志

卷之六十二

明隱逸

六

方外妻子聚散等之團沙中年喪妻喪子女委運造化
了不動念城中地爲隣所侵郭外地爲鄉人所葬皆置
不較得奇方製膏藥以療人不受一錢遇貧者飢者常
解橐傾餽賑之脩宗譜輯家乘山房數楹方塘半畝頽
垣散樹獨坐觀書時披紙書自得句閒亦作數筆竹木
雲山以自適不求工也卒年六十二

節呂天
池撰傳

蘇文昌字龍華號何蘇晉江人大司寇茂相長子崇禎壬
午順天舉人邵人黃景昉蔣德璟二相公餘問奇倡和
雅相推重甲申後無意當世佯狂憔悴瑣尾江淮閒比

於勝國孤臣沿門乞火之意如是者十餘年羈旅中野
叟市童婦人女子莫不嘖嘖其爲蘇晉江也歸家息機
空門旁綜內典每一句一偈吟咏不衰飄然世外於天
下事若茫然無所解時有著作又儒生家不能道隻字
冲襟玉粹逸品金貞接人坦以直處家和而準篤友于
好施濟將歿預知死期卒年七十有六配潘氏解元方
伯潘洙女字燕卿號冰壺著有玉蘭館詩草行世

採蘇國瓏

撰誌

諸葛曷字公韜晉江人益長史應科子七八歲能文九歲

泉州府志

卷之六十二

明隱逸

十九

時父同年何喬遠過飲出手中箴曰兒能賦此耶曷卽
云巧匠經營却蒲葵於徂暑句麗雅製約筠繭以先秋
出入懷袖之間周旋琴書之側披拂而解炎蒸乎俄頃
卷舒而偕涼燠以去留紈箋丹翎規承古帝葛巾白羽
自我家侯喬遠撫其背曰可兒可兒鄭維嶽李光縉每
過下榻揚扨竟日出所著作屬校讐編次之應科磊落
嗜酒喜吟咏客至命酒酒至賦詩賦罷劇談無不盡醉
去者曷竭力承奉以順適其意時謂父有點之狂而子
有參之養父病膈噎八閱月乃殆曷侍疾牀頭湯飲便

液巾裙廁踰必躬必親蓬垢累月蟻蝨沿行領幘之上
居喪哀毀骨立至有滅性之譏崇禎戊辰以子義封戶
部主事甲申之變入海居島上年八十四卒著右後凋
賦太武山賦詩文累篇節諸葛氏家乘
國朝隱逸

洪承峻

王垣京

林高駿

林志遠

黃賢京

阮旻錫

李樹官

楊必祐

泉州府志

卷之六十二

國朝隱逸

二十

曾福

王傳

○洪承峻字彥灝自號紫農山人南安人太傳承疇季弟
為諸生有逸才博涉書史工詩文尤喜臨池行草書蜿
蜒迢縱如驚蛇入草古籀挂壁時人目之曰龍蛇字明
祚既亡

本朝定鼎將

授以官辭不赴康熙初年又欲官之固辭如

初時承疇方貴盛峻獨偃蹇巖壑夷然自放以書翰篇
什自娛其兄不能強也生平以救人利物為心聞民間
有冤抑事輒向有司白其狀然不免為家僮影射人亦

知而諒之

○王垣京字雄生號覆甌晉江人崇禎丁丑進士由南城令遷至廣西按察使鼎革後徒步歸家其題齋壁有詩書債重售還負藜藿情多去復來之句三子俱郡邑諸生借隱不就試被褐躬耕人莫知其為總憲子也雍正舊志

○林高駿號山子晉江人崇禎己卯舉人其學以沉潛為宗人莫測其涯際胸中岸異不可一世鼎革後不赴公車亦不謁選峭性孤衷蕭然四壁圖書之外無長物卒

泉州府志

卷之六十二

國朝隱逸

三

守窮巷以餓死同年蔡嗣襄為之傳節汗漫篇

○林志遠字致予號陶菴同安人萬歷戊午年二十六舉于鄉力學博聞勵志弗衰九上公車崇禎癸未始成進士授工部主事假歸甲申後奉母結茅清谿仙峯嶺不復出人稱陶菴先生年七十二卒著有歷代史白同安志

○黃賢京晉江人崇禎壬午舉人與同年沈佺期相契好結為婚姻甲申後隱處海濱終身不仕

○阮旻錫字疇生同安人明世襲次千戶後裔闖賊陷京旻錫方弱冠慨然謝平時業夙居島外師事曾公櫻傳

性理學患難與共又得曹石倉所遊之友楊能元池直夫聞其緒論講習風雅如是者十六七年出覽名山大川北抵京華托處十數載後乃逃於釋氏止教授生徒自給實鄭所南謝羽臯之流亞三山林氏佶謂其詩冲微澹遠一以正始爲宗他日列文苑其平生志節必有表而傳之者

年八十餘終

丁鴈

水林吉人序畧

○李樹官字石臣同安人偕阮旻錫築館於城南廢圃屏絕人事取先儒傳註語錄與有明二百餘年紀載及先

泉州府志

卷之六十二

國朝隱逸

三

輩評訂者沉酣浸漬數年業大就博極羣書尤工古文詞素慷慨負奇節嶽嶽不可下諸貴介頗願納交皆叱而遠之以故布衣蔬食終其身困厄年四十有四而歿

○楊必祐字可庇晉江人爲諸生有聲立品端莊不苟取與丙戌後絕意進取以詩文自娛時或憤鬱不平偶爲友人招遊伊洛因得遍觀古跡名勝題咏寫懷

通志

○曾福同安人爲諸生年三十餘卽棄舉子業結庵斗拱

山下談道賦詩日與文士相唱和

同安志

○王傳不知何許人康熙閒僦居晉江黃氏宅年老無妻
子賣草爲食人呼賣草翁日從市歸輒閉戶焚香吟哦
窺者莫測也時阮旻錫結泉山詩社傳聞其社題作之
錫見大驚詢其履歷終不肯言後題詩南安不老亭和
丁一中韻邑令某繼遊誦詩急使人物色之傳知而避
焉遂不知所終

泉州府志卷之六十一終

泉州府志

卷之六十二

國朝隱逸

三